

հրաման դնէին 'ի դիր շանդատան . և ոմանք յուխտաւորաց արգիլեալ էին 'ի վանս իբր 'ի բանտի , և ոչ կարէին ելանել արտաքս , մեծամեծք եւ փոքունք այլադգեաց իբրև զդասերս տգրկի ծծէին զարիւնս քրիստոնէից , և զոր առնուին՝ ոչ ինչ համարէին իբրև զչառեալ , անհնարին սրտմտութեամբ սպասէին կլանել զվանօրայս հանդերձ վանականօք , որք իբրև զփետրաթափ թռչուն անկեալ էին 'ի ծուղակս նոցա՝ ոչ փախչիլ և ոչ թազչիլ ուրեք . ախրութիւն և վիշտ գալստեան կուսակալին սլաշարեալ էր զնոսա , և ինքեանք կապեալ յազքատութեան որպէս յերկաթս , պակասեցան զնոզք և վաճառողք սկււայ և արծաթոյ . այսպէս ամենայն սիրտ 'ի վէրս և ամենայն գըլուխ 'ի ցաւս : Այսպիսի ախրութեամբ և ցաւօք օգնութիւն հայցէին յազգայնոց Կոստանդինուպօլսոյ :

Իսկ այլազգիք Երուսաղէմի յետ այսքան ապիրատութեանց՝ գրեցին գիր ամբաստանութեան զքրիստոնէից առ կուսակալն Դամասկոսի , և առ ձէզար Ահմէտ Փաշա յԱքքէ , մի՛ զի բերեալ հրաման ինչ՝ առաւել բռնացին 'ի վերայ նոցա , երկրորդ՝ ծածկել կարասցեն զառաջին չարիսն՝ զոր անցուցին ընդ քրիստոնէսայս :

Սակայն քրիստոնէայք փութով ազգ արարին զնեղութիւնս իւրեանց առ Բգեշխն Աքքէի , և նա գրեաց առ մեծամեծս քաղաքին չնկել զքրիստոնէայս՝ եւ չճանրանալ 'ի վերայ նոցա (1798 . յ9 Սեպտեմբերի) :

Ի սմին ժամանակի վախճանեցաւ Չաքարիա Պատրիարք Կազգուանցի՝ եւ կալաւ զԱթոռ Պատրիարքութեան Կոստանդինուպօլսոյ Դանիէլ Եպիսկոպոս , որ յետոյ ընտրեցաւ Կաթուղիկոս Ս . Էջմիածնի : Ի սմին ամի Հայք ետուն ձէզար Փաշայի և զօրաց նորա 63,416 դահեկան (1799 . 'ի 25 Յուլիսի) , Բազմաթիւ նամականիք Պետրոս Պատրիարքի՝ զսրս գրեալ է առ իշխանաւորս ազգին 'ի Կոստանդինուպօլիս ցաւօք սրտի՝ յայտ առնեն զաղէտս դառնութեան ժամանակին , որպիսիք են՝ հարկապահանջութիւնք անվերջանալի փոխանակագիրք , մերժելն կարի երկիւղալի՝ զի առաջի կայր նոցա անկանիլ 'ի գանս և 'ի տանջանս , որպէս տեսանէին զայլս , խնդրեաց հրաման 'ի նոցանէ երթալ 'ի Բիւզանդիոն՝ զի թերեւս զերծցի 'ի